

Docente di musica Carlos Bislip Jr. ta presenta un “Benefit Concert”

ORANJESTAD- Docente di musica na scol di musica Rufo Wever Carlos Bislip jr. hunto cu coleganan musico, ta organisa un ‘Benefit concert’ cu musica varia. Sr. Bislip ta un percussionista y e aña aki e ta organisa un Concierto pa recauda fondo na augustus.

Esaki lo tuma luga na Cas di Cultura, diasabra dia 16 di augustus y ta cuminsa 8or. Cantantenan cu lo ta presenta pa publico ta Vale Croes, Placido Hazel, Rocco Flava y Tommy Lee Halman. Musiconan ta entre otro Delbert Bernabela (saxofonista), Franklin Grana-dillo (trompet), Angelo Kock

(keyboard), Ivan Quandus (baho), Lidrick Solognier (drums y conga), Moises van de L’Isle (percussion).

Fondo pa scol di musica
Sr. Bislip ta duna les na hopi mucha cu tin talento, y cu ta bon motiva y cu ta studia duro, segun e tin biaha ta poco duro pa e mayornan pa paga les di musica. Cu duele den curason e ta ripara cu nan mester stop cu les pa motibo di un situacion financiero dificil na cas. Ta organisa e Benefit concert aki pa diferente motibo. Sr. Bislip ta desea pa medio di e concierto aki, crea un conscientisacion den comunidad cu e situacion aki ta existi y alabes ta trata na crea fondo cu lo por

yuda mucha cu talento musical pa por sigui tuma les y sigui practica.

E Fundacion Donny Lacle pa varios aña caba sa otorga beca na hobennan aki na Aruba cu ta sobre sali den un area di musica. Ta den cuadro di esaki sr. Bislip a dicidi pa acerca e instancia aki como cu e fundacion lo ricibi e fondonan cu lo wordo genera durante di e concierto aki. Consecuentemente e fundacion aki cu lo administra e fondonan anto riba recomendacion di un comite di maestronan di musica lo otorga beca na hobennan talentoso cu merece mas sosten. Pa e Benefit concert ta spera cu tur amante di musica y sostenedornan di



enseñansa di musica cumpra un carchi pa asisti na e concierto. Por cierto un evento

musical cu tur hende, grandi y chikito por disfruta di dje. E carchinan ta costa 35 florin